



◆古巨基與多位新晉歌手合唱新歌《星戰》。



◆Kuson大眼碌碌抱住眼瞓等基仔，話想上台。

開群組助新人 互相幫扶

古巨基爆團要上台跳舞

被抱走眼濕濕

香港文匯報訊（記者 梁靜儀）古巨基相隔4年再在港舉行演唱會，前晚於灣仔會展舉行《I REALLY LOVE TO SING AROUND THE WORLD LIVE 香港演唱會 2023》，並請來張天賦（MC）、Tyson Yoshi、應智越（細貓）及力臻等擔任嘉賓，捧場的圈中人就有同門的泳兒、許靖韻及何佩瑜等，英皇老闆楊受成博士夫婦亦有到場支持。

染有紅色頭髮的基仔，身着全白服飾以一首《我生》為個揭開序幕，之後一口氣唱出《初初》、《任天堂流淚》、《眼睛不能沒眼淚》及《漂流教室》；到第二部分，請來新晉歌手Delta T、力臻以嘉賓身份登場，自言視基仔為偶像的力臻，與基仔合唱《Can We Try》，準備返回後台之際，突然打開外套騷肌，並說：「我唔係特意除衫，我收埋咗古Sir 嘅閃卡喺外套入面。」接着到大隻仔Tyson Yoshi出場與基仔合唱《第二最愛》，再獨唱一曲《In My Dream》，掀起當晚第一個高潮位。

輪到應智越則與基仔合唱《心跳回憶》，近日被前度爆出的細貓演出投入，心情似未有受負面新聞影響。另一位新人Dark，自彈結他與基仔合唱《一刻永恒》。輪到MC出場，MC先與基仔合唱《自我安慰》，再獨唱《記憶棉》。當晚基仔又邀來多位新晉歌手，包括吳保錫、顧定軒、黃劍文、洪助昇、張蔓莎、黎展峰、張天穎、張進超等，跟他合唱新歌《星戰》。

AI無法述說人類情感

唱完《星戰》後，每位歌手逐個自我介紹，全晚一直唱歌的基仔，終於開腔說：「大家好，我係古巨基，我哋咁多位都係樂壇一分子，我終於講嘢，點解咁耐先講，因為I really love to sing。呢part完咗喇，啱家係I really love to talk。今次個騷點解用返碟名？其實最初唔係呢個，最初想玩食字，之前流行用AI唱歌，想探討吓AI可唔可以代替真人，我哋海報係AI做，發現好難搞，花好長時間才滿意，之後我試用AI寫歌，睇吓可唔可以寫首歌畀我太太同個仔，但我發覺係寫唔到歌。」基仔指見到新一代歌手付出好多努力及高低起伏，他們將自己的經歷寫出來，全部是有血有肉，並非任何AI可以做到，希望大家支持香港做音樂的歌手們。

最大支柱就是家人

唱畢《人生有幾多個十年》後，基仔稱：「我已經好幾年冇開騷，做咗爸爸之後第一個演唱會，亦係我個仔第一次睇我演唱會，嗰日佢有嚟睇我綵排，佢話：『爸爸I want to dance with you.』，跟住佢上咗台，但因為人多，所以兩首歌後媽媽帶咗

佢落台，『佢話I'm sad點解要帶我走？』佢今日都坐喺度，我想佢感受演唱會聲，你哋一二三幫我嗰一句Kuson，多謝大家。」隨後基仔唱出《花灑》，他續指無論遇到任何困難及唔開心，最大支柱就是家人，並唱出當晚最後一首歌《愛回家》，唱畢歌迷遲遲不肯離開，大嗰安歌，最後基仔再次出場，唱多兩首歌《必殺技》及《重複犯錯》，為演唱會畫上完美句號。

完騷後基仔在後台接受訪問，說到相隔4年後再開個唱，他指今次比較特別，因為是新碟的一個延伸，站在舞台上發現自己真的好喜歡唱歌，不過他最意想不到的是兒子也很想上台跟他跳舞。至於之後開騷會否安排團團上台，就要視乎團團的狀態及意願。

明年便是基仔入行30加3周年，他解釋：「我做咗歌手30年，另外3年係做小演員同主持。（到時粉絲會有驚喜？）我想人哋畀我驚喜。」至於屆時會否再開騷或巡唱慶祝，基仔表示要留待公司正式公布。

他指今次的音樂企劃已完成第一階段，而第二階

段就會邀請幾位唱作人為他寫歌。提到有網民質疑為何未有邀請《聲夢》的新人歌手合作？基仔直言合作要講緣分。基仔形容唱《星戰》時的感覺好熱血，他還跟一班合唱的歌手開了個群組，讓大家互相支持及幫助。他說：「我答應佢哋如果有需要，我一定會幫，例如做音樂監製，或者參與佢哋嘅小型音樂會，我都係非常樂意。」



◆基仔唱出團團識唱他的第一首歌《花灑》。



◆基仔同Tyson Yoshi的合唱掀起當晚第一個高潮位。

溫碧霞

為自家服裝品牌做模特兒

香港文匯報訊（記者 梁靜儀）溫碧霞（Irene）的自家服裝品牌Irenena網店正式面世，第一批推出的十幾套服裝，全由Irene親自設計，當中包括輕便晚裝及便服，她更親自充當模特兒拍攝時裝照，日前便專程飛到內地進行拍攝工作。Irene開心地說：「充任模特兒時裝硬照還是第一次，非常好玩，過足模特兒癮，以後只要時間安排到，都想盡量親自示範，親自影時裝相。」

Irene又表示網店正式運作幾天反應不錯，甚至已有其他品牌要求合作，為他們生產服裝，合作生產事宜就交給同事處理，她就着手設計第二批服裝，她說：「品牌嘅家有女裝及男裝，暫時未有童裝，希望先專心做好成人服裝，才考慮出理童裝，希望可以做到多元化。」



◆Irene過足模特兒癮。

香港文匯報訊（記者 梁靜儀）何廣沛在《破毒強人》中飾演啞巴外送員徐安樂屢獲好評，連帶青梅竹馬好友阿Wing（郭柏妍飾）亦備受關注，前晚（8日）一集，安樂除暗地盤算買舖讓阿Wing以後生活有保障外，當他得悉阿Wing因父親欠債17萬元慘遭淋紅油後，更將所有債務預上身，因而誤中文華（陳豪飾）設下的毒品陷阱。

廣沛為是次角色更學足半年手語，而他與郭柏妍的「廣柏CP」亦甚為觀眾受落，大讚二人互動甚有粉紅氣泡，更封二人為新一代「君好+初哥哥」。昨晚（9日）一集，「廣柏」有一場勁青春的天台談情戲。之前一場安樂因遇突發事故遲到，令阿Wing未能欣賞偶像陳奕迅演唱會，傻更更的安樂為了補償，在演唱會門口以手語唱出《明年今日》，阿Wing雖笑指他走音，但卻藏不住佩服。

該幕獲網民大讚浪漫，無綫社交網亦抓緊時機，找來二人以「魔音+手語版」《明年今日》「重現」相關浪漫場口。片段所見，廣

沛像安樂一樣滿臉誠懇又帶點哀怨地以手語唱出「明年今日，別了你一年……」等歌詞；而以魔音見稱的郭柏妍，獻唱時投入之餘亦做足手勢，刻意襯返安樂。

談到與廣沛合作，郭柏妍透露對考集中力：「我同廣沛好多對手戲佢都係做手語，因為我角色Suppose要明白佢嘅手語，所以拍攝時我更加要留心佢啲對白，否則好容易會甩咗，或者以為佢做完（手語）但原來未做完，變咗有好多搞笑嘅地方。」她又感激廣沛有時會特意重複做手語給她睇，讓她記到他的對白。



◆郭柏妍獻唱時投入之餘亦做足手勢，刻意襯返安樂。



◆古巨基與MC用擁抱給予對方力量。



◆鄭伊健同帶上精靈耳的小師妹黃淑蔓傾情獻唱。

香港文匯報訊（實習記者 趙雨竹）去年在紅館舉行一連九場的《HERE AND NOW 鄭伊健演唱會 2022》叫好叫座，今年，鄭伊健與他的演唱會團隊亦積極準備為世界各地的「麵粉」（粉絲暱稱）帶來一場精彩演唱會。

繼四月在澳門揭開巡唱序幕後，七月伊健帶同小師妹黃淑蔓（Feanna），一起飛到美國三藩市以及洛杉磯演出。

出發前，伊健原本心情相當興奮，因為自2019年到過三藩市巡唱後，現已時隔四年，而洛杉磯更是他入行以來，首次踏足演出。但完成三藩市站巡唱後，伊健開始有感冒病徵。因此到達洛杉磯後，他盡量留在酒店，進食維他命C增強抵抗力。

正式開show後，伊健在洛杉磯 Pechanga Resort Casino 的演出上，為自己的不完美表現向觀眾致歉，他說：「其實我第一次嚟呢度（洛杉磯）開演唱會，我好興奮，但幾日前，我患病了，對唔住，對唔住，不過唔緊要，病係可以控制，我會盡我所能，你哋可以放心，今晚我要做好呢個show。」台下觀眾馬上鼓掌，為他打氣。

帶病上台的伊健全靠意志力克服了整個演唱會，無論是抒情歌抑或跳唱快歌，也竭盡全力演出，加上看到台下觀眾的熱情反應，給予伊健更大的力量完成洛杉磯站的演出。

能夠完成兩站美國巡唱，伊健相當感謝台前幕後付出的努力，而人靚聲甜的Feanna除了擔任嘉賓外，還加入了和音團隊。「我第一次去美國，勁開心，多謝伊健，我有讀佢好靚仔，哈哈。」

伊健更安排Feanna在台上清唱一小段由她主唱的電影《哪一天我們會飛》主題曲《差一點我們會飛》，觀眾不單聽出耳油，完show後更要跟Feanna握手，讓她唱歌好聽。



◆帶病上台的伊健全靠意志力完成了整個演唱會。

攜小師妹黃淑蔓美國巡唱 鄭伊健帶病開騷傾力演出